



**Claudii Fleurii Abbatis Historia Ecclesiastica**

Ab Anno 395. Usque Ad Annum 428

**Fleury, Claude**

**August. Vind. [u.a.], 1759**

**VD18 90117794**

§. 3. Cassianus in Ægypto, Cheremon, Nesteros, Joseph.

---

[urn:nbn:de:hbz:466:1-66042](#)

Sæculum IV. brales exciderant. Nunquam de Sacra  
 A. C. 395. Scripturæ quæstionibus loqui voluit,  
 quamvis Doctrina suppeteret. Ægre  
 adducebatur, ut cuiquam Epistolam scri-  
 n. 5. beret. Aliquando dixit: *Totius mundi  
 scientia nihil nobis prodest, & rustici isti  
 Ægyptii suo labore virtutes acquisierunt.*  
 Cum Senis Ægyptii super propriis suis  
 cogitationibus mentem exquireret, ali-  
 quis ad eum dixit: *Pater Arseni! tu vir  
 es omnibus Romanorum, Græcorumque  
 scientiis instructus, quomodo ergo ab hoc  
 homine rustico consilium expetis?* Re-  
 spondit: *Scientias Græcorum, Romano-  
 rumque calleo, at bujus senis Alphabetum  
 necdum didici.*

## §. III.

*Cassianus in Ægypto, Cheremon,  
 Nesteros, Joseph.*

Gennad. c. 60. Quantam vitæ perfectionem Monachi  
 Cass. Coll. Ægyptii professi fuerint, ex rela-  
 XXIV. c. 1. tionibus Joannis Cassiani cognoscitur, qui  
 Præf. ad. circa illud tempus ad eos invisit. Is na-  
 Just. Coll. tione Scytha, divitibus, & piis parenti-  
 c. 1. Coll. XI. bus natus, ab unguiculis in Monasterio  
 c. 1. c. 5. Palæstinæ prope Bethlehemum ad pietat-  
 tem institutus est; est autem hoc Mona-  
 strium aliud ab illo S. Hieronymi, &, ut  
 verosimile est, antiquius. Ibi Cassianus,  
 vitam Monasticam amplexus, Monacho,  
 cui

cui nomen Germanus, dulci amicitia jun- Sæculum IV.  
 ctus est; ambos ad Solitarios Ægypti A. C. 395.  
 pergere cupido incessit, ut vitæ eorum  
 perfectionem addiscerent. Abbas, & cœ-  
 teri illius communitatis Monachi in hoc  
 propositum consenserunt, ea conditione,  
 ut, omnibus perspectis, ad suum Mona-  
 sterium redirent. Navigio impositi, in  
 urbem Ægypti, nomine Tennesum, dela-  
 ti sunt; adjacentem circum terram sal-  
 fæ paludes sterilem reddunt, atque inco-  
 læ solo mercatu vitam sustentant. Ibi  
 Archebium Panephysi, urbis vicinæ, E-  
 piscopum, obvium habuere, qui adven-  
 tantes magna charitate excepit. Arche- Coll. XI. c. 2.  
 bius ex Anachoretis assumptus fuerat,  
 ut Episcopus consecraretur; quo nulla-  
 tenus extollebatur, sed dicebat, se ab in-  
 stituto Anachoretarum ejectum, tan-  
 quam indignum, eo quod triginta septem  
 annis, quibus in eo vixerat, in via vir-  
 tutis non profecisset; verumtamen in  
 Episcopatu prioris vitæ rigorem serva-  
 bat. Is ergo, tunc forte Tennesi ob E-  
 piscopi electionem versatus, intellecta  
 causa, quæ Cassianum, & Germanum in  
 Ægyptum adduxisset, ait ad eos: *Ante-*  
*quam ulterius progrediamini, venite, ut*  
*penes nostrum Monasterium videatis vi-*  
*ros senio inclinatos, & ipsa specie vene-*  
*rabilis, quorum solus aspectus loco doctri-*  
*næ est. Ex his discetis, quæ ego vos do-*

cere

**S**eculum IV. cere non possum, quia memoria excide-  
A. C. 395. runt.

c. 3. His dictis Archebius, arreptoque ba-  
culo, & pelle caprina, hic enim erat Mo-  
nachorum Ægypti itinerantium instru-  
ctus, hospites suos Panephysum deduxit;  
in regione prope tota aquis inundata,  
colles, insularum specie, eminebant; i-  
bi tres decrepiti Senes degebant Che-  
remon, Nesteros, & Joseph. Primo Ar-  
chebius hospites suos Cheremoni stitit,  
qui loco proximus erat, & ætate major.  
Plusquam centum vitæ annos numera-  
bat, senio ita incurvatus, ut non solis  
pedibus, sed & manibus nixus gradere-  
tur. Cassianus, & Germanus viri facie,  
& modo gradiendi insolito attoniti, ro-  
garunt, ut aliqua ad eorum Doctrinam  
diceret; hunc enim esse profectionis suæ  
finem. Tunc Cheremon ducto profundo  
gemitu inquit: *Quam Doctrinam a me  
exspectatis, quem corporis infirmitas a  
pristino rigore remittere coegerit, atque lo-  
quendi audaciam ademit? quomodo alios  
docebo, quod ipse non perficio? ideo mul-  
lum juvenem patior mecum habitare, ne  
meo exemplo a rigore desistat, & in te-  
porem labatur.* Tamen eorum precibus  
victus, primo de perfectione differuit,  
quam in charitate consistere ostendit.  
*Coll. XIII.* Post refectionem de castitate locutus est,  
*Coll. XIV.* & altera die post preces matutinas de  
Dei

Dei Protectione, id est, de gratia dixit, Sæculum IV.  
sine qua nec castitas servari, nec aliæ vir- A. C. 395.  
tutes acquiri possunt. Nec istos ultim-  
os sermones sponte sua, sed ut eorum  
quæstionibus satisfaceret, protulit.

Inde ad Abbatem Nesteros transie- *Coll. XIV.*  
runt; nam nomen Abbatis omnibus his  
Sanctis Senibus ob ætatem eorum, & vir-  
tutem dabatur, quamvis privati Anacho-  
retæ essent, nec alios Monachos rege-  
rent. Idem Nesteros esse creditur, qui *Vita PP.*  
S. Antonii amicus dicitur. Hic cum *lib. IX. n. II.*  
Cassiano, & Germano colloquia instituit *Rosw. p. 562*  
*c. 12. 13.*  
de Scientia Spirituali, atque de vitæ a-  
etivæ, & contemplativæ diversitate; u-  
bi obiter Poetarum, aliorumque Scripto-  
rum profanorum lectionem perfectionis  
Religiosæ obstaculum edicit. Post refe-  
ctionem, & orationem vespertinam de  
more in mattis confederunt, atque Ne- *Coll. XV.*  
steros, sermonem repetens, de diversita-  
te donorum Dei, id est, miraculorum, a-  
liisque similibus Gratiis locutus est, ut  
magni facere virtutes discerent. Ter-  
tius, quem adierunt, fuit Abbas Joseph.  
Is natus in urbe Thmovi nobilissimis &  
in civitate præcipuis parentibus magna  
cura fuerat educatus; scite linguam *Cassiani ita-*  
*græcam loquebatur, nec ei opus erat in- nera.*  
terprete, sicut aliis, non nisi Ægyptium  
sermonem callentibus. Primo aditu per-  
contatus est, num Cassianus, & Germa-  
nus

Sæculum IV. nus fratres essent? atque, ipsis respon-  
A. C. 395. dentibus, se quidem esse, non sanguinis  
propinquitate, sed spirituali conjunctio-  
ne, de amicitia loqui cœpit, demonstrans,  
illam solam esse veram, quæ fundamento

*Coll. XVIII* virtutis inniteretur. Tum deduxit eos

c. 1. in cellam separatam, ubi noctem age-  
rent; sed animi servor, quem loquentis  
verba in amborum cordibus excitave-  
rant, somni quietem capere non per-  
misit.

c. 2. Ergo cellula egressi, in loco ad cen-  
tum passus remoto confident. Tunc  
Germanus cum gemitu: *Quid faciemus?*  
*Sancti isti suis exemplis nobis ostendunt,*  
*quæ via ad perfectionem sit? nosque illuc*  
*perducere possent, nisi promissemus prom-*  
*ppte ad monasterium nostrum redire; si*  
*vero semel redierimus, buc remeare ultra*  
*non licebit.* Cum aliquo intervallo hac

c. 3. cogitatione affligerentur, & pœniteret,  
quod respectu humano victi, redditum  
condixissent, ut discedendi licentiam ob-  
tinerent, tandem Cassianus ait: *Consu-*  
*lamus hunc Senem! & quod dixerit, di-*  
*vinum oraculum credamus!* Igitur horam  
nocturnarum precum exspectarunt, qui-  
bus persolutis, rursus mattis, quas dor-  
mientes preßerant, confident; Joseph  
mœstos hospites conspiciens, causam ex-  
quirit, quam ubi Germanus exposuit,

c. 4. *dixit Joseph: An vere vobis persuasum*  
*babe-*

*babetis, vos in bac Regione majori anima- Sæculum IV.  
rum vestrarum bono permanuros? Cre- A.C. 395.*  
*dimus, inquit Germanus: id ne quidem  
in quæstionem cadere posse. Tum Joseph  
sermonem exorsus est de obligatione pro-  
missi, dixitque, non nunquam melius non  
servari. Mendacium officiosum probat,  
imo ex SS. Scripturæ exemplis auctori-  
tatem huic rei conciliare se putat, nam  
hunc errorem non nulli Orientales fove-  
bant. His argumentis duorum amico-  
rum dubium solutum, manseruntque in  
Ægypto annis septem, quo tempore sæ-  
pe ad fratres suos litteras mittebant.*

*c. 5.**c. 6.**c. 7.**c. 8. 9. &c.**c. 31.*

## §. IV.

## Py nufi u.s.

**H**aud procul ab urbe Panephyso Cas- *Coll. 20. c. 1.*  
*sianus, & socius ejus, Abbatem Py- *Instit. c. 30.**  
*nufiū inviserunt, sibi jam antea cogni-  
tum, quod olim in ipsorum Monasterio  
Palæstinæ fuisset. Presbyter erat, &  
magni Monasterii Rector, in tota Provin-  
cia virtutibus, & miraculis clarus; cum  
suo judicio humilitatis exercitatio sibi  
deesset, assumpto sæculari vestitu, in The-  
baidem ad Monasterium Tabennense, a *Sup. l. XV.*  
S. Pacomio fundatum, perrexit. Scie- *§. 58.*  
bat in eo Monasterio regulam Monasti-  
cam exacte observari, atque Monacho-  
rum multitudo, & locorum distantia  
spem injecerant, ibi latere se posse. Diu  
ad*